

Golden Band Resources Inc. – Jolu Central Mill Gold Project

Environmental Impact Statement

Summary

Golden Band Resources Inc. (Golden Band Resources) isithihkāsowak ōko osāwi-sōniyāwa nitawi-sōniyāwīwi-kimāwak, ohci misāskwatōmināhtikohk kā-atoskīcik. iyakonik ōko piyakwan okimāwak tipīthihtamwak ōmīthiw osāwi-sōniyāwi-pinipocikan (Jolu mill) ikwa asici ita kā-kanawīthimiht ana asiniy kīskopothiht (Mallard TMF) ōtī isi wāpanohk 135 tipahaskān mistahi sākahikanihk ohci iyako kāyāk. otahk sāsay ōho Jolu mill ikwa TMF kī-āpatanwa kākī-ōtinācik osāwi-sōniyāwa otahk kākī-nitawi-sōniyāwāniwik, ikwa mīna kayahitī ikospī 1970 ōma askīwin kī-āpatan (Mallard) ita ī-kanawīthimiht ana asiniy kīskopothiht.

Golden Band Resources ī-kakwīcīhkīmocik ī-nohtī mōnahisōniyāwīcīk niyānanwayak ita ī-ihtakot osāwi-sōniyāw, nīwāski ithikohk kikaki atoskāniwik. kīwītīnohk itīhkī isi mistahi sākahikanihk kohci papāmi-ayāt niyānanwayak awa osāwi-sōniyāw, tastawāyīhk ōta misinipiy ikwa wīposkāwi-sākahikanihk. (Figure 1). Komis, EP ikwa asici pahki Jolu ikwa Bingo kita-mosci-wātihkaniwiw otinihci osāwi-sōniyāw. Decade ikwa ana kīskoniht osāwi-sōniyāw Bingo ikwa Jolu ohci kita-mōnahisōniyāwātāw itāmaskamik ohci. piyak tipahaskān ospwākani-sākahikanihk apiscikīwīcinosihk isi kā-ayāki ōho Komis ikwa EP, mitātaht nikotwāsosāp tipahaskān wīposkāwi-sākahikanihk ohci. Jolu mōnātīhkān, Jolu itāmaskamik ikwa Decade itāmaskamik mōnahisōniyāwān mitātahtomitanaw mīna nistomitanaw niyānanosāp tipahaskān kīwītīnohk isi mistahi sākahikanihk kā-ayāki. iyakoni ōho kisiwāk ayāwa ita kā-ayāki Jolu pinipocikan ikwa Mallard TMF. Bingo wītha anima kīsithihkātīk kisiwāk nikiko-sākahikanihk kā-ayāk, ayinānīw tipahaskān kīwītīnohk isi kohkominānihk ohci ikwa mitātahtomitanaw tipahaskān kīwītīnohk isi mistahi sākahikanihk ohci.

kwayask kita-nānākacihtāniwik ōma askiy ita kāwī-atoskāniwik. Golden Band Resources kī-atoskīhīwak Canada North Environmental Services kita-nitawi-nānākacihtāthit askiy, kita-masinahamīthit kīkwāy ikota kā-nitāwīkinithik mīna kīko-pisiskiwa ikota kohtāpanihothit ikwa mīna pisiskisīsa nipīhk kā-ayāthit āhpō kīkwāy nipīhk kā-ohpikinithik. iyakoni ōho kī-itōtamwak ōtī Komis/EP, Jolu/Decade ikwa Bingo mōnahisōniyāwāna. kī-kīsīhtāwak ikospī 2004 ikwa 2008. kīkwāy ohci kākī-nitawi-kiskīthihtahkwāw, kita-kiskīthihcikātīthik tānisi mīkwāc ī-isi nākwanithik askiy mīna nipiy ikwa kwayask kita-kanawāpahtahkwāw kita-kī-isi manācihtācik ōma askiy mīna nipiy.

kwayātanwa mīskanawa itī kāwī-isi āwathācik sōniyāwasiniya Jolu osāwi-sōniyāw sikopocikan kā-ayāk. Jolu sikopocikan kita-nānapācihtāniwiw ikwa kita-thakisihtāniwiw, kita-kaskihtācik 700 kosikwan kita-osīhācik sōniyāwasiniya. ita mīna kita-pihkihcikāniwik kita-osihtāniwiw īkā askīhk kīkwāy kita-nisiwanācihcikīmakahk.

iskopocikanasiniy sōniyāwasinihk ohci nīswayak kita-isi pamināw. nistam kita-osihtāniwiw oskāyi ī-apisāsik ita kita-āhthiht iskopocikanasiniy waskic TMF tahkohc Cell A ōta Mallard TMF. nistam askiy atoskāniwiki ikospī nānitaw 160,000 m³ iskopocikanasiniy kita-āhthāw ōta JAG TMF. kihtwām ikwa (Phase 2) kita-āpatan Mallard TMF iyako mīna ōma kita-thahkisihtāniwiw. ispī kihci āpatahki, nānitaw 430,000 m³ iskopocikanasiniy kita-āhthāw ōho Cells A ikwa B ōta Mallard TMF.

Komis ikwa Jolu sāsaiy mistahi kī-itahkamikisināniwiw otahk ohci kākī-mōnahisōniyāwāniwik. namōwitha ikota mistahi awasimī kita-nisiwānācihcikātīw askiy mīna nipiyy tāsokc ita īkā cīskwa ī-ohci nitawi-sōniyāwāniwik.

kahkithaw kīkwāy kāwī-itahkamikahk (Komis/EP, Bingo ikwa Jolu) Golden Band Resources wī-kanawāpahtahkwāw. māka ātiht kīkwāy kita-atoskīhiwīwak. tāsokc pītos isi mōnahisōniyāwīwin, āwatāskwākanak kita-āwathācik sōniyāwasiniya ōta isi Jolu pinipocikanihk ikwa mīna kita-nānākatohkācikātīk kita-isi pimipathihcikātīk Star Lake ikwa ita otatoskīwak kāwī-wīkicik.

mīkwāc pimātoskāniwiki, Golden Band Resources nānitaw mitātahtomitanaw kita-otinīwak athisithiniwa kapī kita-atoskīthit ikwa mīna kīwītinohk kāwī-ohthinācik ōho otatoskīwa, ikwa mīna kīwītinohk kāwī-ohthinahkwāw mīciwin ikwa nanātohk atoskīstamākīwina.